



Broj: 04-40-1-199/25
Sarajevo, 19.07.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 18.07.2025. do 08:30 sati 19.07.2025. godine

Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su devet manjih intervencija i to: jednu na gašenju zapaljenog automobila, jednu na gašenju kabastog otpada i šest obezbjeđenja aerodrom i jedno obezbjeđenje kulturnog događaja.

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 18.07.2025. godine, utvrdili su slijedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

Obilaskom lokaliteta klizišta, vizuelnim pregledom je utvrđeno da nema većih promjena u odnosu na prethodne dane. Tlo klizišta je vidljivo natopljeno vodom uslijed padavina, posebno u donjem dijelu lokaliteta ispod igrališta, gdje je i dalje prisutna stalna vlaga i blatnjav teren. Dotok vode iz tri pravca podnožja deponije i dalje je aktivan i ulijeva se u postojeći drenažni kanal. Na igralištu nema zadržavanja površinske vode, dok je na području iznad rasadnika također zabilježena povećana vlažnost tla. Nisu uočene nove pukotine ili pomaci zemljišta. Ocjena rizika: Lokalitet je ocijenjen kao uslovno kritičan zbog geoloških procesa, te zahtijeva kontinuiran nadzor.

2. Knjeginjac (Opština Istočni Stari Grad):

Prilikom obilaska lokaliteta deponije Knjeginjac, vizuelnim pregledom je utvrđeno da nema značajnih promjena u odnosu na prethodne dane. Na gornjoj površini deponije, kao i u rigolu iznad ceste, nije zabilježeno prisustvo vode. Međutim, u donjem dijelu deponije, uslijed trenutnih padavina, vidljivo je povećano prisustvo vlage, kao i formiranje plavnih i blatnjavih površina. Takvo stanje u ovom dijelu deponije već duže vrijeme ostaje konstantno prisutno. Ocjena rizika: Slijeganje deponijskog materijala i erozija uslijed atmosferskih uticaja.

3. Bistrički potok (Općina Stari Grad Sarajevo – Boguševac i Opština Istočni Stari Grad):

Trenutno Korito potoka je i dalje djelimično zatrpano zemljano-kamenim materijalom i obrušenim stablima.

Nisu evidentirane nove degradacije, niti su poduzete aktivnosti na uklanjanju postojećih prepreka. Obilaskom lokaliteta Bistričkog potoka utvrđeno je da nema značajnijih promjena u odnosu na prethodna zapažanja. Iz pravca Trebevića nije zabilježen dotok vode, uprkos trenutnim padavinama. S druge strane, kod mosta na Boguševcu, gdje se nalazi kaptaža iz koje se višak vode izliva u korito, zabilježeno je prisustvo manje količine vode. Donji dio potoka je prohodan i bez vidljivih prepreka. Međutim, u gornjem dijelu, iznad mosta na Boguševcu, i dalje su prisutna oborena stabla i stijene koje su se odronile iz pravca objekta u izgradnji "Trebević Hills". Navedeni materijal se već duži period nalazi u koritu i predstavlja potencijalnu prepreku protoku vode.

Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale uslijed promijenjenog toka vode.

4. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024. godine i br. 08-40-1128-2.1/24 od 20.11.2024. godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma. U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

JU Zavod za javno zdravstvo Kantona Sarajevo: Broj oboljelih u Kantonu Sarajevo od Leptospiroze na dan 18.07.2025 godine prikazan je u sljedećoj tabeli:

Ukupan broj oboljelih od Leptospiroze u Kantonu Sarajevo - Stanje na dan: 18.07.2025. godine	Broj prijavljenih slučajeva Leptospiroza po općinama							
	Novi Grad	Centar	Ilidža	Stari Grad	Novo Sarajevo	Ilijaš	Vogošća	Hadžići
113	77	11	9	6	7	1	1	1

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 13°C, vlažnost zraka 82%, barometarski pritisak 943,1 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Zbog održavanja manifestacije "Ilijaški dani 2025", u vremenu od 10:00 do 24:00 sata obustavljen je saobraćaj u ulici 126. Ilijaške brigade.

Zbog održavanja manifestacije, do 10.08.2025. godine u vremenu od 18 do 23 sata obustavljat će se saobraćaj u Hadžićima (u ulicama Hadželi i Zlatnih ljiljana).

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a